

Q'uipa Tesalonicenses

Pablo saludashcamunda

1 ¹ Tesalónica pueblobi ñucuchij Taita Dioscunbish Mandaj Jesucristonbish iglillamumi caidaga Silvanon Timoteon ñuca Pabloga escribini. ² Ñucuchij Taita Diosmunda shinaidi Mandaj Jesucristomunda cushca allish c'uilla causish cangunabi gachun.

Jesús Ilaquichingu shamunamunda

³ Huauqui paniguna, canguna crishca cutin ashtan mirarishcamundash tuqui canguna c'uyanucusha catishcamundashmi p'unllandijta cangunamunda Diosta 'Diosolopai' nina ganchi. Shina nishcaga cabishcami. ⁴ Cangunada tuqui laya catiq'uichusha Ilaquichiguquish alli crij gashcadash alli catigushtadash ricuchishcamundami Diosbuj iglillagunabi manchanaidi cushiyasha ñucuchilladi parlanchi. ⁵ Tuqui cai tucushcaga Dios cabishcadi juchachij gashcadami ricuchin. Chi laya gashcamunda Diosca Pai mandanabuj canguna alli valichishcaguna gashcada ricun. Chi mandanamundami cangunaga Ilaquida apagunguichi.

⁶ Cabishcada ruraj Diosmi cangunada Ilaquichijcunadaga pachun Ilaquichinga. ⁷ Cunun Ilaquigunada apashcamunda cangunadash ñucuchidash samachinga. Mandaj Jesús jahua pachamunda shami p'unllabi Paibuj imadash rurajlla angelgunan, ⁸ nina rupagushca chaubibi shamushami Diosta na rijsijcunadash, ñucuchij Mandaj Jesusbuj Alli Shimida na cazujcunadash Ilaquichingajmi

shamunga. ⁹ Paigunaga na tucuribuj llaquibimi chingachishca ganga, Mandajbuj ñaubujmundash, c'uilladigaj tuquida ruri pudijmundash carumu shitashcami ganga. ¹⁰ Manduj shamuna p'unllabimi chi chingachinash shitanash tucunga. Paiga Paibuj linshuyachishcaguna Paidaga c'uilla gashcada ricuchichunbish tuqui crijcuna Paida mancharisha ricuchunbish shamunga. Cangunash ñucuchi crishcada parluqui crishcamundami chibi ganguichi.

¹¹ Chimundami ñucuchij Diostaga Pai cayusha agllushcabi, canguna Pai alli valichishca gachun mañarianchi. Shinaidi canguna tuqui ima allida rurangu munushcagunadash, canguna crishcamunda rurashcagunadash Dioslladi tuquida ruri pudishcan p'actachichunbishmi mañarianchi. ¹² Shinaquiga ñucuchij Manduj Jesusbuj shuti alli c'uilla gashcaga cangunabi ricuchishca ganga. Ñucuchij Dios, Manduj Jesucristosh cushca alligunamundami cangunash Paimunda alli c'uillaguna gachun mañanchi.

Jesús shamuyqui ima tucunamunda

2 ¹ Cununga, huauqui paniguna, ñucuchij Mandaj Jesucristo shamunamundash, ñucuchi Paiyun tandanucunamundashmi nigunchi. ² Maijgunaga 'Mandaj shamuna p'unllaga ña chayamushcami' nisha yachachiquish ama musparisha jahualla pandarigunguichichu, nishami mañagunchi. Maijinsh 'Espiritumunda parlachishcami' niguquish maimundash yachashcada shimillan parlaquish, ñucuchi escribisha cartada cachushcama layaidi cachuquish ama mancharinguichichu. ³ Ima layash amalladi pandachishca tucunguichichu. Chi p'unlla narij chayamujllabidimi Diosta p'iñusha

crishcada saquijcunadimi shamunga. Shinaidi chi millisapa c'ariga, jatun llaquibi chingarina churiga ricurinalladimi gan. ⁴ Cai milli ricurishaga tuquida Diosbuj shutida charijcunada na gashaga tuqui adorashca gajcunada trancungajmi jatun tucusha shayaringa. Shinalladi Diosma laya tucushaga Diosbuj huasimunda mandungajmi tiyaringa.

⁵ Ñuca cangunana gashaidi caigunada ña parlagushcadaga ¿nachu yuyaringuichi? ⁶ Chi c'arida, pai ricurina p'unllagama ama ricurichun ima jarcagushcadaga canguna yachanguichimi. ⁷ Na rijsishca, na yachashca milli rurana paibuj rurachi pudishcan ñami rurarigun. Shinashcunun jarcagujtaga paibuj chaubimunda anchuchinallami jualtan. ⁸ Chi millisapa c'ari ricuriquimi, Mandaj Jesusca Paibuj shimin p'ucushallami huañuchishtanga, shinaidi Paibuj p'alaniguj shamushcanmi chingachinga. ⁹ Chi milli shamujca Satanasbuj rurachi pudishcagunan ricurisha tuqui laya ruri pudishcagunadash, ima ricunagunadash, pish na ruri pudishcada llagmusha rurushecagunadashmi ruranga. ¹⁰ Paiga mashnalla chingarijcnada paigunalladi quishpichishca gangu cabishcada na c'uyasha na japishcamundami tuqui laya milli rurashcagunan pandachinga. ¹¹ Chimunda Diosca llagmushcada crichun saquisha imabish pandarichinalla yuyida cachan. ¹² Shinami mashnalla cabishca parlushcadash na crisha ashtan paigunalladi milli rurushecagunabi cushiyajcunami manchanaidi llaquichishca ganga.

Quishpichingu agllashcagunamunda

¹³ Mandaj c'uyashca huauqui paniguna, ñucuchiga cangunamunda Diosta 'Diosolopai' nisha mañagunallami ganchi. Callarimunda pacha cangunadash Dioslladimi

Paibuj Espiritu linshuyachishcan shinaidi cabishcada crishcanbishmi quishpichingaj aglluga. ¹⁴Ñucuchi parlashca Alli Shimida cangunamu parlaquimi ñucuchij Mandaj Jesucristoj c'uilla gashcabi gachun cangunadash Diosca cayaga.

¹⁵Chimunda, huauqui paniguna, cangunamu ñucuchij parlashama na gashaga escribishama yachachishcagunan jinchi jinchi shayarisha ama huashamu risha alli catinguichi. ¹⁶Cununga ñucuchida C'uyaj, Pai allida cushcamunda, llaquibi gaquish na tucurij cushiyana, alligunaida shuyana yuyidash Cuj, ñucuchij Mandaj Jesucristolladi Taita Diosbish ¹⁷cangunaj shunguda cushiyachisha jinchiyachichun, shina canguna tuqui ima parlanabish ruranabish alli gachun.

‘Diosta mañabanguichi’ nishcamunda

3 ¹Ña tucuchingujca, huauqui paniguna, tuqui llactagunabi Mandajbuj Shimi, ut'cada chayachun canguna layaidi allibi churasha alli japichun ñucuchimunda mañabaichi. ²Na tuquiguna crishcamundami chi naidi alli shinaidi ashtan milli gentegunamunda cacharishca gangu Diosta mañabanguichi. ³Mandajca Pai imada rurasha nishcada P'actachijllami gan. Pailladimi cangunadaga ashtan jinchi crijcunada rurasha millimundash huaquichinga. ⁴Ñucuchij ima mandushcagunada canguna ruragushcadaga ashtan rurusha catinadash Mandujmunda chi yuyillami ganchi. ⁵Mandujlladi cangunaj shungubi Dios c'uyuj gashcada shinaidi Cristoda alli catirishca shina ñaubujmu ashtan alli catinada yuyachichun.

Imalladash rurusha causanamunda

⁶ Huauqui paniguna, ñucuchij Mandaj Jesucristoj shutibimi maijin crij imadash na rurungu munusha ñucuchi yachachishca laya na causujmundaga laduyachun mandanchi. ⁷ Cangunalladi, ñucuchi laya caususha catinadaga yachunguichimi. Cangunan causashaga na yangalla puriganchichu. ⁸ Shinaidi ñucuchiga maijinbuj micunada na yangaga micuganchichu. Ashtangarin canguna maijinllamundash na causash nishami p'unllash tutash shaicungagama jinchida trabajaguganchi.

⁹ Cangunamunda ima ministishcada japina cabiganchimi. Shinash canguna ñucuchida ricusha trabajasha catichunmi trabajaguganchilla. ¹⁰ Cangunan gashaidimi, maijin imadash na rurash nijca ama micuchun, mandaguganchi.

¹¹ Shina gaquish ñucuchiga cangunapuramunda maijingu-
naga imadash na rurashalla shujcunaj causibi satirisha purijtami uyushcanchi. ¹² Mandaj Jesucristomunda shina purijcunadaga causibi imalladash charingujca na quillanachishalla rurachun yuyachisha mandanchi.

¹³ Cangunaga huauqui paniguna, allida ruragushcamun-
daga ama shaicunguichichu. ¹⁴ Maijinbish cai cartabi nishcada na cazuquiga ima laya gashcada paida ricuchiqui pinganachichun ama paigun tandanucunguichichu.

¹⁵ Ashtan ama na ricunachinguichichu, ashtanbish cambuj huauqui panimu alli ricuchisha parlujma laya yachachinguichi.

Tucurina yuyigunamunda

¹⁶ C'uilla causida kuj Mandajlladi cangunamu imabi gaquish c'uilla causida p'unllandi cuchun shinaidi tuqui cangunan gachun.

¹⁷ Ñuca Pablolladimi caidaga ñucaj maquillandi escribiguni. Shinami tuqui ñucaj cartagunabiga ñucajlladi gashcada ricuchini. ¹⁸ Ñucuchij Mandaj Jesucristolladi Pai cushca alliga tuqui cangunabi gachun.